



Broj: 01/04-05-5171-5/19
Sarajevo, 21.08.2019. godine

GRADSKO VIJEĆE GRADA SARAJEVA

N/r Igor dr. Gavrić, predsjedavajući

PREDMET: Odgovor na inicijativu gradskog vijećnika Velije Katica

Na 29. sjednici Gradskog vijeća Grada Sarajeva, gradski vijećnik Velija Katica uputio je sljedeću inicijativu:

„Pokrećem inicijativu da se izvrši popravka asfalta (krpljenje udarnih rupa) na cesti od Obhodže prema spomen obilježju za 172 šehida i poginula borca Druge brdske brigade 1. Korpusa Armije Republike Bosne i Hercegovine na Borijama na području općine Stari Grad.

Inicijativu upućujem Gradskoj upravi Grada Sarajevo da u saradnji sa Općinom Stari Grad i Direkcijom za ceste Kantona Sarajevo osigura sredstva i obnovi/zakrpi navedeni asfaltni put.“

Odgovor:

S tim u vezi, obavještavamo vas da je Grad Sarajevo već navedenu inicijativu koja je odnosi na popravku asfalta na cesti od Obhodža prema spomen obilježju za 172 šehida i poginula borca Druge brdske brigade Prvog korpusa Armije Republike BiH na Borijama, prosljedila Općini Stari Grad Sarajevo na razmatranje.

Općina Stari grad je uputila odgovor na ovu inicijativu, koji dostavljamo u prilogu ovog dopisa.

S poštovanjem

Gradonačelnik

mr. Abdulah Skaka s.r.

Dostaviti:

- naslovu
- a/a






Općina Stari Grad Sarajevo

Municipality of Stari Grad Sarajevo

Služba za investicije i komunalne poslove

Broj: 13/1-23-5641/19
Datum: 2.8.2019. godine



GRAD SARAJEVO
GRADSKA UPRAVA
ulica Hamdije Kreševljakovića broj 3
71 000 Sarajevo

PREDMET: Odgovor na inicijativu – dostavlja se;
Veza: Vaš akt broj: 04-05-5171-2/19 od 22.7.2019.godine

Aktom pod gore navedenim brojem i datumom dostavili ste Općini Stari Grad Sarajevo Inicijativu gradskog vijećnika Katica Velije koja se odnosi na popravku asfalta na cesti od Obhodže prema obilježju za 172 šehida i poginule borce Druge brdske brigade Prvog korpusa Armije Republike BiH na Borijama na području Općine Stari Grad Sarajevo.

U vezi sa predmetnom inicijativom, ovim putem Vas obavještavamo da su uposlenici Službe za investicije i komunalne poslove Općine Stari Grad Sarajevo već izvršili izlazak na teren radi utvrđivanja stanja i mogućnosti realizacije predmetne inicijative, a kojom se traži "kropljenje udarnih rupa, proširenje ceste na pojedinim tačkama u cilju omogućavanja mimoilaženja vozila, postavljanje duplih odbojnika na opasnim strminama ceste i postavljanje najmanje 3 upućujuća znaka (sa oznakom prema lokalitetu Borije) od Vijećnice, mosta na Obhodži, te u centru Obhodže."

Izvršen je terenski obilazak sa izvođačem radova radi utvrđivanja lokacija za sanaciju oštećenja na kolovozu (udarnih rupa, ulegnuća, mrežastih pukotina i sl.), te je u skladu sa navedenim, Općina Stari Grad Sarajevo, u okviru radova redovnog održavanja cesta, već dala nalog izvođaču radova KJKP "RAD" d.o.o. Sarajevo da izvrši sanaciju oštećenja na kolovozu.

U narednom periodu, izvršit će se i terenski obilazak sa sekretarom MZ Mošćanica radi utvrđivanja lokacija i mogućnosti postavljanja putokaza za lokalitet Borije.

Prilikom terenskog obilaska predmetnog lokaliteta, ustanovljeno je da se radi o terenu sa izraženim podzemnim vodama, te da je predmetna dionica ceste, gledajući iz pravca Obhodže sa desne strane bez bankina sa veoma strmim rubovima, dok je sa lijeve strane uglavnom stjenovit teren sa bankinama na pojedinim lokacijama.

S obzirom na geološke uslove terena, za izvođenje bilo kakvih građevinskih radova u prostoru, neophodno je prethodno izvršiti ispitivanja stabilnosti terena, te izraditi odgovarajuću projektno-tehničku dokumentaciju.



Shodno iznesenom, te s obzirom da je za naprijed navedeno neophodno izdvojiti značajna finansijska sredstva, ovim putem Vas obavještavamo da Općina Stari Grad Sarajevo nije predvidjela sredstva za predmetnu namjenu u budžetu za 2019.godinu.

S poštovanjem,

Obrada:

Amila Vrbić, MA-dipl.ing.saob.

Stručni saradnik iz oblasti saobraćaja

DOSTAVITI:

1. Naslov
2. Evidencija
3. A/a

POMOĆNIK NAČELNIKA

Adis Hadžović, s.r. dipl. pravnik